

i FLETËUDHËZUES I PAKETIMIT: Informacion për pacientin

KLORUR KALCIUMI

Tretësisrë për injeksion – 1000 mg / 10 ml
(Klorur kalciumi)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë është Klorur kalciumi dhe përse përdoret
2. Përpara se të merrni Klorur kalciumi
3. Si ta merrni Klorur kalciumi
4. Efekte anësore të mundshme
5. Si ta ruani Klorur kalciumi
6. Informacion i mëtejshëm

1. ÇFARË ËSHTË KLORUR KALCIUMI DHE PËRSE PËRDORET

Kalciumi është një element mineral i domosdoshëm për ruajtjen e barazpeshës elektrolitike dhe për funksionimin e duhur të shumë mekanizmave rregullatore. Pamjaftueshmëria e kalciumit shoqërohet me çrregullime neuromuskulore dhe çmineralizimin e kockave. Marrja e kalciumit e rrit përqëndrimin e tij në serum dhe në të gjithë organizmin. 99% e kalciumit në organizëm është e lidhur me fosfatet në kocka, kryesisht si hidroksiapatit.

Indikohet në:

- pamjaftueshmëri kalciumi (spazmofili, tetani, mjekim ndihmës në rakit, osteomalaci, osteoporozë, gjatë shërimit të frakturave);
- sëmundje alergjike (sëmundje e serumit, shok anafilaktik, urtikarie, edemë angioneurotike);
- sëmundje infektive kronike;
- ekzemë eksudative;
- mjekim ndihmës në trajtimin e pickimeve nga insektet.

Mjeku juaj mund ta ketë dhënë Klorur kalciumi për një qëllim tjetër. Pyesni mjekun tuaj në qoftë se doni të dini pse ju është dhënë ky bar.

2. PËRPARA SE TË MERRNI KLORUR KALCIUMI

Mos përdorni Klorur kalciumi në qoftë se:

- keni mbindjeshmëri ndaj barit;
- keni hiperkalçemi (p.sh. në hiperparatiroidizëm, mbidozim i vitaminës D, tumore që shkaktojnë dekalçifikim p.sh. plazmacitoma, metastazat e kockave);
- keni hiperkalçiuri të rëndë;

- keni insuficiencë të rëndë renale;
- keni sindrom Zollinger – Ellison;
- mjekoheni me digitalikë.

Në qoftë se mendoni se keni ndonjë nga gjendjet e përmendura më sipër, këshillohuni fillimisht me mjekun tuaj dhe ndiqni këshillat e dhëna.

Tregoni kujdes të veçantë me Klorur kalciumi

Tretësira e klorurit të kalciumit është irrituese dhe duhet treguar kujdes për të parandaluar daljen nga vena gjatë injektimit në të. Kripërat e kalciumit duhen përdorur me kujdes në të sëmurët me dëmtime të funksionit të veshkave (nuk duhen përdorur në dëmtimin e rëndë të funksionit të tyre) ose në sëmundjet që shoqërohen me rritjen e përqëndrimit të vitaminës D, siç është sarkoidoza. Përveç kësaj, ato duhen mënjeluar në të sëmurët me kalkula renale ose me të dhëna për kalkula renale. Kloruri i kalciumit, për shkak të natyrës së tij acidifikuese është i papërshtatshëm për trajtimin e hipokalçemisë së shkaktuar nga insuficienca renale ose për të sëmurët me acidozë respiratore apo me insuficiencë respiratore. Përqëndrimet plazmatike të kalciumit duhen mbikqyrur me kujdes në të sëmurët me insuficiencë renale dhe kur në të njëjtën kohë merren edhe doza të larta të vitaminës D.

Marrja e barnave të tjera

Trajtimi i njëkohshëm me barna të tjera mund të ndikojë ose të ndikohet nga Klorur kalciumi. Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë edhe ato të marra pa recetë. Kur kripërat e kalciumit përdoren njëherësh me diuretikët tiaizidikë ose vitaminën D, mund të shfaqet hiperkalçemi. Kalciumi i rrit efektet e glikozideve digitalike në zemër dhe mund të shkaktojë helmim nga digital; është mirë që gjatë mjekimit me glikozide digitalike të mënjanohet marrja e kalciumit me injeksion. Kripërat e kalciumit e ulin përthithjen e një numri barnash, si: bifosfonateve, fluorureve, disa fluorokinoloneve dhe tetraciklinave.

Kërkoni këshillën e mjekut ose të farmacistit nëse njëkohësisht me Klorur kalciumi merrni edhe barnat e përmendura më sipër.

Marrja e Klorur kalciumi me ushqim dhe pije
Nuk aplikohet.

Shtatzënia

Kalciumi e kalon placentën. Njoftoni mjekun ose farmacistin tuaj në qoftë se jeni shtatzënë ose po planifikoni të ngeleni shtatzënë dhe këshillohuni me të për përdorimin e këtij bari gjatë shtatzënisë.

Ushqyerja me gji

Kalciumi kalon në qumështin e gjirit. Njoftoni mjekun ose farmacistin tuaj në qoftë se ushqeni foshnjen me qumësht gjiri dhe këshillohuni me të për përdorimin e këtij bari gjatë kësaj periudhe.

Drejtimi i automjetit dhe përdorimi i makinerive
Nuk ka të dhëna.

3. SI TA MERRNI KLORUR KALCIUMI

Klorur kalciumi do t'ju administrohet shumë ngadalë në venë (i holluar paraprakisht) nga mjeku ose infermieri në spital. Tretësira është e pajtueshme me glukozë 5% dhe klorur natriumi 0.9%. Mjeku juaj do të vendosë dozën e saktë për ju.

Në qoftë se keni marrë më shumë Klorur kalciumi
Meqenëse ky bar do t'ju administrohet në spital, nuk ka gjasa që t'ju jepet më shumë. Sidoqoftë, nëse mendoni se ju është dhënë më shumë, ju lutemi njoftoni mjekun ose infermierin tuaj.

Në qoftë se harroni të merrni Klorur kalciumi
Meqenëse ky bar do t'ju administrohet në spital, nuk ka gjasa që të harrohen dozat. Sidoqoftë, nëse mendoni se është harruar një dozë, ju lutemi njoftoni mjekun ose infermierin tuaj.

Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Të gjitha barnat mund të shkaktojnë efekte anësore. Ndonjëherë ato janë serioze, shumicën e herëve jo. Injektimi i kripërave të kalciumit mund të shkaktojë irritim dhe injektimet intramuskulare ose subkutane në veçanti mund të shkaktojnë reaksione lokale, përfshirë dhe nekrozë të lëkurës. Tretësirat e klorurit të kalciumit janë tepër irrituese dhe nuk duhet të injektohen në muskul ose nën lëkurë. Përdorimi i kripërave të kalciumit në rrugë parenterale është shoqëruar me kalçifikim të indeve të buta. Sasitë e tepërta të kripërave të kalciumit mund të çojnë në hiperkalçemi. Zakonisht, ky komplikacion ndodh pas administrimeve parenterale, por edhe pas marrjeve orale, kryesisht në pacientë me insuficiencë renale ose tek ata të cilët marrin njëkohësisht vitaminë D. Simptomat e hiperkalçemisë përfshijnë: anoreksi, nauze, të vjella, konstipacion, dhimbje abdominale, dobësi muskulare, shqetësime mendore, polidipsi, poliuri, nefrokalcinozë, kalkula renale dhe në raste të rënda, aritmi kardiake dhe koma. Injektimi shumë i shpejtë intravenoz i kripërave të kalciumit mund të çojë gjithashtu në hiperkalçemi, shije shkumësi në gojë, afshe të nxehta dhe vazodilatation periferik. Njoftoni mjekun tuaj në qoftë se ndonjë prej efekteve anësore të përmendura më sipër ju shqetëson. Në qoftë se vëreni efekte anësore që nuk janë të përmendura në këtë fletëudhëzues, ju lutemi të njoftoni mjekun ose farmacistin tuaj.

5. SI TA RUANI KLORUR KALCIUMI

Mbajeni larg fëmijëve!
Mos e përdorni Klorur kalciumi pas datës së skadencës e cila është e shënuar në paketim.
Mos e ruani në temperaturë mbi 25°C!
Ruajeni në paketimin origjinal.

Kujdes! Ampula është vetëm për një përdorim.

6. INFORMACION I MËTEJSHËM

Çfarë përmban Klorur kalciumi
Lënda aktive është klorur kalciumi.
Çdo ampulë 10 ml përmban 1000 mg klorur kalciumi.
Përbërësit e tjerë: acid klorhidrik ose hidroksid natriumi mund të shtohet për rregullim pH, ujë për injeksion.

Përmbajtja e paketimit
Kuti me 10 ampula.

Mbajtësi i Autorizimit për Tregtim dhe Prodhuesi:

 **PROFARMA** sh.a.,
Rruga "Skënder Vila",
Tiranë, Shqipëri.
Tel.: +355 4 23 89 602

Ky fletudhëzues u rishikua për herë të fundit në Janar 2024.